

الحيالة مشع عاليا



Esmat Dawstachi

2 N. F. M. 2734



الكياك عشري بروغه المستعري مناب شعري

مجدىالجابرى

261 أصوات أحربية

أصوات أدبية

سلسلة نصف شهرية

تعنى بنشر الإبداعات المصرية


الهيئة العامة لقصور الثقافة

- التحيادمش بروفد 261 شعر مجدى الجابرى
 - ه الطبعة الأولى منتصف مايو 1999

باسم مدير التحرير على العنوان التالى : أن أن أمين سامى – القصر العينى القين الما أن أن أن أن المين العينى القين الما إن القين الما إن القين الما إن ا

رئيس مجلس الإدارة
د. مصطفى السرزاز
المشرف العام على النشر
عسلى أبوشادى
أمين عام النشر
محمدكشيك

رئيس التحرير محمد البساطى مدير التحرير شعداله العدرير شعدانه العدرير شعدانه العدريران



العدوم

أبويا في الشعل

كالعاده

وامى واختى لله الغسيل من عَ الحبل

وطبقوه

ک م وصنفوه

وسابولى تطبيق المناديل والشرابات

فانتهزت فرصة انشغالهم ف المطبخ

وطاوعت رغبتى:

هدوم امی واختی ناعمه بترحلق إیدی من علیها، وکمان ملونة وعلیها رسومات هدوم ابویا خشنه وساده أو مقلمه بالطول . هدومی زی هدوم امی واختی. رغم إنی باعمل حمام وانا واقف، وابویا جاب

لى العيد اللى فات بدلة ظابط، يمكن عشان لسّه صغيرًا

إذا كان كده. يبقى مش عايز اكبر

وكبرت على غفله

واجتوزت

وخلَفت بنت ورا بنت

وطبعاً لبست زي ابويا

لكنى باظبط نفسى سساعات قساعد ف وسط الغسيل الملموم

وبانتهز فرصة انفرادي بنفسي

وادس حاجه من هدومهم في هدومي

شويه

وبعدين ارجعها مكانها.

فيلم في المسابقه الرسميه

طبيعى

إنَّك تقول لصاحبك ع القهوه:

الحياه مش بروفه.

وطبيعى

إن ابوك يخاف عليك وعلى اخواتك

م الموت

ليشوش مخزونه الهايل من المشاهد اللي

كان نفُسُم يكون فيها.

ولاً تخس عليه

ومنا يحسنس بيك

وتتأكد انه ف آخر مرحله من مراحل المونتاج

فاتسحب يشويش.

واخرج..

فَدُهُ بُرضَهِ أَبُوكَ

ومُهما اتدخُل ف حياتك

وورطك ف مواقف بايخه

فما يصحش تبص عليه وتبتسم بخُبث

وهُوه حاضن بكرة فيلمه وماشى ناحية القاعه الله الله متتعرض فيها حصيلة النهارده من الأفلام الله جوه السابقه الرسميه.

هادوس على زرار النشفيل

هاظبط كاميرة جسمى.. بعد ما افتح عدستها الفتحه المناسبه،

واستدرج البنتين بصوت شخشخة الفُكُه ف جيوبي،

وبعد ما هتأكد ان الصوت شد انتباههم.. وانهم فعلاً وطَّو يدوَّروع الفلوس اللي وقَعتهاع الأرض،

وبعد ما حاجات كتير هتحصل جوَّايا، في مادوس على زرار التشعيل مادد و مادد

....

.

إيه اللى حصل ده؟! برضه نقطة العرق الملعونه اللى بتلمع على ضهر إيدى

ف أوقات مش هيّه يبقى أكيند هتتهز الكاميرا وكالعاده

هتختفی ملامح البنتین م الصوره، وهیطلعوا بعد التحمیض یشبهو لاخواتی البنات اللی بقالی أکتر من عشرین سنه باریی جسمی بعید عنهم.

الواحد

الواحد..

خايف ومُرتَبِك

الوَاحدُ..

تَعْبان وهُمُدَان وماعندوش روح للمناقره.

الواحد..

مامعاهوش فلوس كفايه يروح اسكندريه.. يشرب شياى ع الكريستال.. ويقعُد شويتين عَ البحر.. ويرجع بتجربه جنسيه مُجهَضَه.

الوَاحدُ..

واقف قُدَّام حالة بُكا.. باللابس الداخليه.. وجسمه مبلول وفاتر.. ومشاعره مِنَعُكِشَه.

الواحد..

الواحد.

الواحد

حاجه تزهن، وتخلّی الأتوبیس اللی واقف قُصادی من غیر سوَّاق ولا كمساری وملیان رُكاب، یتحول براد شای واربع علب سجایر مفتوحین ومكان واسع وأصحاب بیضحكو بصوت عالی.

بيهيأ نفسه لفياحه الأوركسنرا

أصحابي..

بدأوا يقفزوا.. واحدُ ورا التانى.. ف بركةُ روحى.. ويتحُولوا لضفادع، وكل ضفدع ماسك آله من آلات الإيقاع: اللَّي طَبُله..

واللَّى بونجر..

واللى نقررزان..
واللى دُهُلُّه
واللى آخر واحدُ،
وادى آخر واحدُ،
لسته مازالت رجليه ع القهوه

وجسمه ابتدا يتسلطح، وإيديه قصرت، وطلع لُه لُغُدْ كبير. وطلع لُه لُغُدْ كبير. تمهيداً للخطوه الجايه، وزى ما كان متعود.. بيهياً نَفْسُه لقيادة الأوركسترا.

ابندا يغير إيفاعه

مش بالظبط تقريباً أو يمكن أو جايز أو أى حاجه تخلّيني اصدّق أنّه كان فيه فعلاً شارع ورجلين أتقل من دبابه داخله ف حالة عُطل. "كنت باحسبني خفيف لإنّي مبسوط شويه" يبدو إنني كنت باخرك لإن قلبى ابتدا يغير إيقاعه وابتدت تتوتّر العُضُله اللّي هنت ودُني الشمال وكانى هادوس الخطوه الجايه على حاجه بتتحرّك.. وهتغوص وتُلبُ خت رجلي. وانا مستمتع بسخونة حاجسه زى اللحم البشرى.. وصوت طقطقه

وخروشه.. وکانی الشیء ده بیعافر تحت رجلی عشان یحسینی انه مشروع إنسان..

يمكن احتاجه ف لحظه..

أكون أنا فبيها خت رجلين أتقل من دَبَّابه داخله في حالة عُطل.

وفضلت منعلق معاها

أمى وابويا واخواتى وناس كتير عرفتهم متنتورين ع الصفحه قدامي وف وسط الصفحه ر تور هايج اتخيلت نفسى ساطور مُهيأ ف أى لحظه يكسر رجل من رُجول التّور عشان يهمُدُ واتخيلت الدم اللي هينزل من مكان الجرح هيشد انتباههم ده اللي قدر عليه خيالي عشان يلم المتنتورين جوايا ف حيَّه واحده تخصني.

دى مش أنانيّه

ولا لعب بالخيال

دى الرسمة اللي كان نفسي ارسمها وانا

ف سنه رابعه ابتدائی

بُدُل رَسُمِهُ الجاموسه اللي مزّينها الجزار يوم العيد.. والعيال وَرَا منها بيزقُّوها وهيَّه رايحه المدبح،

الرسمه اللى فضلت متُعَلَّقه ف الفصل وفضلت انا متعلَّق معاها

لحد دلوقتي

لما شفنها ع النرول

اللِّي انا وهيه اتفقنا نحمى بعض م اللِّي جاى نفِّذت وعدها معايا بس نسيت عميها في في اللَّي منها ومنِّي منها ومنِّي في أوضة الولاده في أوضة الولاده وعلى دراع المُرضه وعلى دراع المُرضه حريِّه لحم بتعيَّط.

اللى لخفه من جسمى

تكتكة الآله الكاتبه وملى وتفريغ رئتى بدخان الكلوباترا وحركة رجلين امى على دواسة مكنة الخياطه ده اللى لحقته من جسمى النهارده بعدما اتبعتر ع السلّم وانا مزوَّغ م الشُّغل. ها حاول ألُّه على مهلى، واعمل منَّه حكايه احكيها لنفسى وانا نايم.

فركاخويا

جزمتی الجدیده دی اللی هاشتریها م الکحکل ده عارف انها برباطها الغریب ده هتناسبنی دلوقتی تماماً وانا بادوّر جوّایا علی أی حبّة طاقه یکونو هربانین منّی.. عشان اقدر بیهم اسامح اخویا اللی رایح أحضر فَرَحُه دلوقتی واللی هیّبُص لی بترقع.. وانا بالبس الجزمة الجدیده واللّی هیّبُص لی بترقع.. وانا بالبس الجزمة الجدیده

واسيبهاع الباب واناخارج

وباحط الجسزمسه التقيديسه مكانهسا ف الشينطه

.......

.....

فيه أكيد حاجه هتحصل غير السيناريو ده أو يمكن حصلت. وانا متشغول بفك رياط الجزمه اللفوف على رقبتى.

خهنون

ف ديانه قديمه كنت كاهن صُغيَّر أعرف بالظبط مكان القلب وبسكينه حجر... اشق صدر القربان شق يادوب يسمح لكبير الكهنه يمد إيده ينزع القلب.. ويسيب لكاهن قت التدريب مهمة توليع النار.

* *

ف ديانه جديده وف نهايات القرن العشرين أنا برضه كاهن صُغيَّر وكإنى اعرف بالظبط مكان القلب..

نازل تشريح ف صدر القربان وف إيدى بتترعش السكنينة المسنونه وكبير الكهنه

واقف

يقفل قبضة إيده ويفتحها.. بغلُ وصاحبنا اللي مازال خت التدريب بيولَّع ف النار.. تطفى

يو**ٿعها** تطفي

يولَّعها....

ف فبضهٔ إيدي مره حفيفي كره حفيفي

ما تهرُبش.. تعالى.. بهجوم مفاجئ على حدود النوم

مُداع وزغلله في عينيًا وبعدين!! تتلخبط الخرايط كده ثم انت مش مربوط من سُرِّتك.. عشان تدلدل لسانك.. بالشكل ده.. في الخُفره اللي بينًا

على حواف الحُفرة اتنصبت الكراسي والترابيزات.

ونزلت المشاريب

مافيش زباين غيرك

عمال تشدع الفاضى

بعد ما اتُطَفت نار الشيشه،

أنَبهلك..

تمد إيدك ف جيبك..

تتطمَّن على سلامة موقفك من نظام الحُكم..

ف الربع ساعه اللِّي جاي.

•••

ف الحُفره.. أجيال من الثورات.

ف الخُفره.. أجيال من السلطات.

وع القهوه.. للسانك نصيب من التركه..

وسرتك مفكوكم إجبارى.

فمافیش بطوله زی دی..

تمنها مدفوع مع البقشيش

٤٠٠

أنا شخصياً

بارج عبطى بقوة العاده..

ومستننى تفور القهوه ع النّصبُه..

فيعتذر لي القهوجي..

نيابه عن رئيسي ف العمل..

وزعيمي ف الثوره.

لسَّه بنخدع بعضنا بالحُبُ.. مع إننا المفروض نكره بعض وقت اللزوم.

. • •

عشان تفضل ما بينا حاجه تستاهل تعالى ببُقعة دم واحده على سُرتك دُانَا مخبِّيلك ف قبضة إيدي كُرُه حقيقى وف الخُفرَه لَغَم موقوت.

من غير ما تكسر نظرتك ف الأرض بُصُ في عينيا.. واتكلِّم..

من غير لعثمه.. وعروق نافره ف الرقبه

خليك قد صداقتنا

غزلية الكنبه

اكتشف فجأه

إن طريقته ف حب الحاجات اللي بيحبّها فعلاً..

مرهقه جداً وكئيبه،

فسَلُّم جسمه

لرغبة الكَنبه انها تشيله وهُوَّه مسترخى عليها.. وتنزل بيه السلِّم..

وتسيبه يحل مشاكله مع الناس اللي ضربوا كف على كف ورفعوا سبًابتهم وقعد يهرتلو بكلام فلآ ينتبه لوجودهم:

ياولاد الكلب.. ده مش نَعشْ.. دُنَا رايح اقول مااقدرش اعـمل لك حـاجه.. غـيـر انى احُط إيدى على خَـدِّى . وانتي بتحكى لى عن العفريت اللى قعد يطُول لحَدُ

ما حصُلك وانتى واقفه بتذاكرى ف بلكونة سعاد صاحبتك.

وف نُصُ حكايتك اسببك.. واخُش البلكونه.. أوَّلع سيجاره.. وافكُر فيكي

(إيه بس اللى كان مكن يحصل. لو اتكلمتى على مدى الاربعين سنه أو أكتر اللى سكتيهم؟ هل كان مكن أفضل كده متَنَّح قصادك. وانتى بتحكى لى دلقوتى عن حاجات ماعدلهاش معنى عندى؟

وعشان يتخلّص من تُقل بقعة اللون الاحمر اللى سابتها فُرشة (أسامه الدناضورى) ف رقبته، هيتخيّل سرب الحمام الابيض، اللى كان مسيطر على مشهد جنازة ابوه،

واقف دلوقتى طابور، أوله نازل بشرب م البُقعه الحصرا، وآخره ف قعهوة "موسى عطيه" بيفض خناقه بين شحاته العربان وأسامه شهاب من ناحيه، وبين حسن رياض ومجدى السعيد م الناحيه التانيه وبينه وبين إبراهيم عبد الفتاح من الناحية

التالته..

ولّا طارت علب المربى وأزايز اللنّنض الجاز والشباشب والجهل بالإيقاع وغرابة الصور الشعريه والسرقه من بعض لمقطع أو حتّه مزيكا....

غُمَز للكنبه. فطارت، دخلت حلم حبيبته، فلخبطت لها حسابات الصداقه والحب وتقسيم العمل اليومى.

شاور لها تطلع جنبُه ع الكنبه. فنهرت من جسمه اللى ابتدت تفوح منه ريحة لبن متخمَّر ف بُقُ جُنَّه عُمرها ربع ساعه

واختذها على صدره.. وبيسمسسح ال ٩٢ سنه اللى سنالوع الجلابيه.. واللى اضطّر يمزّعها عشان يكمل بقية الطقس

من غُسس وحلاقة دقن وحلاقة الشعر اللى أصر مايطلعش غير بالجلد وبريحة "سعد باشا" ف تشريفه رافع شنبه لفوق. ومريّح إيده على عسكرى بالصّدفه، رافع شنبه زيّه لفوق ومبحلق

ف الكاميرا،، وسرحان.

وكإنه بعد لقط الصوره

هيـروح يلقى مـراته الحامل جـابت أخـيـراً واد.. ولا ماتش..

فيسميه "سعد". ويندهله "شوال".

ولما خس الكنبه بتُقله عليها..

هتقفز من قبضة روحه،

وترجع

مجرد کنبه خشب،

لسته يادوبك مسدد بقية أقساطها.

سنويه

بعد نُص الليل..

على سطح بيت ف ابو زعبل..

قاعدين ست شباب، عاملين دايره، حاصرين فيها

باجور وعدة شاى وسجاير وجهاز تسجيل..

بيسجِّل بحذَر. تُكتهم وتريقتهم وقصايدهم وغُناهم بأصواتهم الوحشه، حتَتَ من سيد درويش والشيخ إمام وفيروز ومرسال خليفه...

وفيه حَدُ غريب،

مش متنبهين لوجوده

حُدُ نحيف جداً.. ف رجلُه الشمال زَكَّه خفيفه، طول القعده عمَّال يتحنجل بين الغُنا والضحك وريحة العرق الشتوى وطرقعة الصوابع،

وبيضحك بصوت مكتوم م الشباب اللى بيتحدُّوه بالشاى والشعر والتدخين والغنا وجهاز التسجيل لل الشاى والشعر والتدخين والغنا وجهاز التسجيل لل (عبد الفتاح شهاب) سمع صوت نَفَّر عصفورته على قزاز شباك المترو.

اتّاخد ودخُل حُضن حبيبته ونام.

بَصُ له النحيف جداً.، وضحك.. فبان بُقُّه اللي

مافيهوش ولو سِنَّه.

دار التسجيل مُعدَّل أسرع.

نط الأعرج وسطينا

ومك مخالبه خطف عبد الفتاح

وطار..

وسياب مكانه بقيعة دُمُ على أسيفلت شيارع ف مدينه غريبه،

مُدِّينا عبونًا هناك.. ورا العربيّه اللِّي بتاخد تار الشيخ العربي من المدرس المصرى اللِّي رفض ينجَّح ابنه البليد ف الامتحان..

لكن سبناه ورجعنا نكمّل تسجيل القُعُدُه.

රර

ضحك (خالد عبد المنعم) وهُوّه نايم ع الطرف.. خت اللّحاف المتكعوره ختيه العيال.. وكُمَشُ رجليه وهُوّه بيحلم بإنه جمه عليه الحور ونايم فعلاً ف النّص،

غمزته بكوعى

عشان يشاركنا الضحك على النكته اللى قالها ابراهيم عبد الفتاح، قام قاعدً.. ضحك ويانا وراح دافس راسه في حجر وسرح ف المهرة ام سبع رجلين دهب.. والزقّه اللي هتتعمل له وهوه خارج م الكون.

اشتركنا كلنا في الزَّفَّه..

وُزَّعنا علينا الأدوار، وصَّلُناه.. ورجعنا جنب التسجيل نحتمى باللى فاضل فينا وبيثًا ضحك الأعرج.. فاتغاظنا، بصِّينا لبعض وبصوت عالى ومع بعض غنِّينا لحن السُّيَّاس.

(عُمَر جُم) اللي ما كانش بيحب شِعْرى.. كان طيب حداً..

لله أفلت قصيده.. طَبُطَبُ على ضهرى وقاللّى: كإنّى أول مرّه باسمعك. ضحكت وبَصّيت ف الأرض. فقام عشان يُحمُننَى.. وقعت منّه الشنطه الخيش واتبعترت الكتب والاقلام والسندويتشات والقصايد، وطّيت ألمُ معاه..

وإذا بالشخص النحيف جداً عمَّال يتُخُنُ.. يتخُن لحد ما بقى حيط لحم بينى وبينه،

بصيّبت لابراهيم عبد الفتاح وعصام العراقى (اللّي كان أغلب الوقت مشغول بواجبات الضيافه) وسألتهم:

إيه اللي بيحصل ده؟ حُدُ فاهم حاجه؟ وإذا بحيط اللحم بيتحول شعلة نار..

خَطَفت عمر جمم من وسطينا..

وسابتنا احنا التلاته بِنْبُص لبعض برُعب. وإيدينا مكلبشه ف التسجيل الداير يسجّل أدان الفجر

وأصوات الناس اللي رايحه تصلّي أو رايحه الشُغل، كيان واضح بين الأصيوات صوت الأعيرج وهُوهُ ليضحك.

فُسَكِّينا التسجيل، ولِّينا اللي فاضل منّا، وقررناً..

بعد ما ننزل.. ما نجتمعش تانی ف مکان واحدٌ.

هيبص ع الجزمه ويناكد

بُصُ عَ الجَزْمَه وحَطُ إيديه ف جيوبه ولَمُس الخنمسه جنيه

4**

مش هيسيب رف أو صندوق أو باترينه ما يِبُصِّش فيهم وهيتأكِّد م الأسعار

بيحاول يلمس بعينيه ريحة أو شكل أو ملمس حاجه حاسس أنَّه هيلقاها متعبِّيه ف برطمان

أو ملفوفه ف سيلوفان أو متدلدله م السقف.

•••

هيحاول ما يهربش أو يستعجل وهيرجع تانى لآخر المر اللى ما كمَّلوش هيكُسُّل

وهيرجع تانس يقرفنى بيمكن ويجوز

(**

حلوه البِتُ اللي لابسه الجِينز الاسودُ دِيُ لأ

> م رر ري مبعجره حبه

وتسريحة شعرها مخلِّيها كإنها خارجه مخصوص عشان حَدُ ببُص لها

فَتكرفُه

هتوقع من إيدها الشنطه هيوطني يلم لها الفلوس ويسيبهوم لها جنب الشنطه

هيبُص عَ الجنمه ويتأكد

الخمسه جنيه مازالت موجوده والبيت فيه شاى وسكر طبعاً مافيش سجاير يبقكى لازم يرجع بسيجارتين

تانی هیستعجل ويسيب آخر رَفٌ فوق ع الشمال ما هو تقريباً زي اللي حُتيه

مش تقريباً لو متأكّد هيكُمُل ويبطل تضييع وقت ومجهودع الفاضى ولو مش متأكّد؟!

متأكد من إيه بالظبط!!

دى خامس مرَّه يلف المينى ماركت ده.. من سَرَحَاتُ سَرَحَاتُ على مَا عَنْ سَرَحَاتُ على مَا عَنْ سَرَحَاتُ على مَا عَنْ مَا عَنْ سَرَحَاتُ عِسْمُه..

خارج من هنا مبسوط وبيضحك وهُوَّه حاضن حاجه.. برقَّه مش متعوِّدها ف نَفْسُه..

حاجه

مش فاكر هيه إيه بالظبط

ولا تمنها كام

ولا كان ساعتها.. فيه حَدْ بيبُصُ على جزمته لمدّة دقيقتين تقريباً.. وبنظره سريعه يُخْرُم جيبه.. عشان يعرف فيه كام بالظبط.

هيدقّق أكترف المشهد

هل هُوّه اللي كان هناك فعلاً..

والآحدُ يشبه له؟!

حَدُ حالق دقنه وشَعُره.. ولابس

جَزْمَه جديده.. وف جيبه أكيد أكتر من خمسه حنبه

أيوه

ده البيّاع اللّي أوّل ما يشوف يوزن له نُصْ كيلو الكبده المستبورده.. ويخطها له ف الشنطه الستّودَه.. ويفضل يتابعه بعينيه لِحَدْ ما يدفع ف الخازنه،

هيخيب ظنه،

وعلى سبيل فَكُ الخمسه جنيه مش أكتر ميشترى منه علبة كبريت وموس حلاقه (هيرميه ف البيت أسبوع أو أكتر قبل مايستعمله) وهيرجع له.

بعد ما يدفع فى الخازنه.. يسيب له بقية الجنيه ع البنك.. ويضحك لُهُ.

خصرالهاك

كان فيه إيد بتزقنى ف ضهرى، صرخت، نزل على وشه، وراسه اتخبطت ف بلاط الحمام، فهديت إيدى فتى وشيائه من ع الأرض بخلاصه اللى كان ملفوف على رقبته وإيديه ورجليه، وندهت على أخته فيب الدايه. كان النهار لسه بيشقشق. صحيت الدايه وجات وهيه لسه مدروخه، فكت الخلاص من عليه وقطعته، ومن دروختها سابت حوالى المامية من الخلاص بره، وربطت، ولما الحتشفت ده، بَعَتْت جبتها تانى، قطعت الزيادة وربطت، وقالت لى: خير. ده رزقه كتير، وعمره طويل.

كانت املى بتلحكى حسكاية مليسلادي دي لحد من قرايبنا. مش فاكرمين بالظبط. وكنت قاعد بالصّدفه. كان عندى ساعتها حوالي خمس سنين. مِن ساعتها وانا حاسس بإن حد واقف ورايا وبيزُقّني ف ضهرى عشان اخرج، ساعتها باسيب الكان اللي انا فيه واخرج فوراً، أو اقعد قلقان، لحد ما انفرد بنفسسى وامسك ورقمه وقلم واقسعد اكستب أو اشخبط أو ارسم، ولحد دلوقتي مش عارف الإيد دي بتدفعني، عشان اخرج منين؟ واروح فين؟ مش عارف بالظبط، ويمكن يكون كل اللي علملته وكل اللي عرفته كان محاوله للتخلص من الإحساس ده بمحاولة فسهم السؤال ده، مصدره إيه؟ ومعناه إيه؟ وازاى اجاوب عليه إجابه تخُلُصنى من أثر الإيد دى اللي حاسس انه مطبوع على عيضم ضهري من

ويمكن تكون حكايه ميالادى دى، حكايه من تأليف امى، لإن امى حَكَاءُهُ شعبيه من النوع النادر،

وبالتبالي تبيقي كيل كيتباباتي وحبياتي ومعارفي محاولات للتخلص من سطوة "نص لحظة الميلاد" بعد تفكيكه والتحرر من مجازاته (خبط راسي في بلاط الحمام/ صدمة الميلاد) و"الخلاص الملفوف على جسسمي/ الولادة الغريبة) (رزق كستير وعسمر طويل/ النبوءه). حستى الخطأ المبنى على الصدفه (نسسيان ١/١ مـترمـن الخلاص في الحكاية / كنايه عن طول العسمسر وكستسر الرزق). هل كسانت امنى بتنتج في حكايتها الشخصيه (ميلاد ابنها) "بطلها" الموجود ف حكاياتها الشعبيه اللي بتحكيها؟ واللي هيخلصها من حاجات هيه مش فاهماها، لكن حسساها، وفي نفس الوقت هيسحيقق لها حياجيات بتتسمناها وإن كانت مش محدده هيه إيه بالظبط، زى الشاطر حسس وابو زيد وعلس الزيبق.، إلخ، هل معنى ده. ان امى كانت بتتمنى لى دور في الحياه. وسناهمت في صنعه بحكيها للحكنايه الخاصه بميلادى للناس وليَّ؟ هل كانت قاصده هُكيها وانا

موجود ساعة ماسمعتها أول مره؟ هل دور المُخَلِّص اللي اختارتهولي، متعلق بينها هيه وبحياتها، يعني خلاصها هيه، والآن يتعلق بكل اللي زيها سواء في النوع أو في الحالة الاجتماعية أو الوضع الطبقي؟ أكيد الحاجات داخله في بعيضها والخيلاص ده مش خلاص فروسى لإن زمن الفروسية انتهى، زمن مواجهة الفارس للفارس بالسيف. لكن قيم الفروسية مازالت بالنسبه لها - على الأقل -موجوده، النجده، الشهامه، الدفاع عن المظلومين والمضطهدين، والحب العفيف الطاهر الخالي من الأغراض الحسيه للباشره. كُمَان البطوله عندها ليها شكل تاني، بطولة الحيله والخداع والتنكر (الشطار والعيارين والصعاليك).

لإن العدو دلوقستى بيستخفى ورا أقنعه القانون والعسكر والفتاوى والمؤسسات اللى بتسانده ولازم البطل يلجأ للخداع والمكر عشان ما يتمش القبض عليه قبل ما يخلّص مهمته ويتخلص من عدوه/

عيدوها/ عسدوهم، والشكل ده من البطوله مع الشكل الأولاني كانوا محتاجين مشروع ثقافي واجتماعي وسياسي يرشيح مشيروع فني وبدأت اتنني دور المُخَلِّص / النبي مع التشكيك من واقع خيراتي الحياتيه - في وجوده، في الشعر وفي كل أشكال المعرفه اللي احتكيت بيها واللي ساهمت على قد جهدى في إنتاج جُكمُل فيها. كان بيتم فحويل كل خبراتي الثقافيه والاجتماعيه اللي سكك سلها جسدي الرموز وتقنيات ووسائط لاكتشافي العالم الأفضل اللي بيبشربيه المشروع الجاري البحث عنه، عاله خالي من كل القيود والمعبوقيات اللي بتبشيل حبركية البيشيرعن انهم يحققوا أقصى إمكانيات بشريه موجوده، عالم خالى من كل عبوب ونقائص العالم، الموجود فعلا (الظلم - سوء توزيع الثروه - سوء استغالال السلطه – السجون – القوانين المقيده للحريات – العنصريه - إلخ. إلخ). وطبعا اكتشفت اشكال

تانيـه من البطوله، غـير البطوله الـشـعـبـيـه، اكتشفت الصوفي، المناضل السياسي، الكصلح الاجتماعي، العالم، الفيلسوف، الشياعر، الكاتب، الرسام. اصحاب الرغبه في تغير العالم ده. ودفعه ناحية عالم تاني افضل، كل واحيد حسب تصوره عن المشروع وطرق خقيقه. بس الغريب في الموضوع إن كل المشاريع دى ما بتلاقيليش مكان فيها غير دور التابع/ المريد/ الصببي/ كاهن مازال خت التدريب، ده طبعا إذا كنت من صناعه. وكان لازم القى مشروع أكون فيه كاهن وواحد من صناعه، وكان الشبعر هو مشروعي، الشعر/ كعالم رمزي موازى لعالم الواقع، يحتاج من اللي يقرب منه انه يكون عنده. قسدره عاليه مبنيه على معرفه متخصصه وعميقه تساعيده فئ فك شفرات العالم ده وتأويله، لإن العالم الشعرى عالم غامض، متعدد التأويلات، زي النصوص المقدسه، صالح لكل زمسان ومكان. وزى بسطل هيسرمسان هسسه دخلت

(اللعبه)، ولعبت دوري فيها ببراعه وصدق عنشان احتقق الامي واللي زيها حلمها في الخالص من العالم اللي قعدت فيه اربعين سنه من غيرما تتكلم. ولما جُمهُ الوقست انها تتكلّم كانت نسيت الكلام، ومابقاش عندها غير الترثره لتضييع الوقت اللي بقي عبء عليها ولازم حد يشيله معاها، وانا بدال ما اشبيل معاها وأسمع لها، واحتكيلها وهكيلس، دخلت لعبيتي، وبقيت كل ما ازورها أسيبها تتكلم تتكلم وانا حاطط إيدى على خدى، وفجأه وف وسط كلامها اطلب منها تعملَى شاي. أو تُحطُ لي آكل أو أنزل اجيب سجاير أو حتى اخش البلاكونه واقفل على الباب وافكر في كتابة قصيده جديده تتحول فيها امي رمز لطاقات بشريه مبعتره ومهدره مسيرها فى يوم تتجمع وتغيير وجه العالم وقال متحله عالم كل اللي فيه بيتكلم وقت ما هو عايز ويسكت وقت ما يبقاش عنده حساجه يقولها، وبكده أبقى شساعر ثورى

صاحب مشروع لتحرير الإنسان.

واخسول المشروع ده لهساجس طاردنس طول الوقت واختكم في كل افكاري وسلوكسيساتي، حستي الشخصي منها، بدأت أقيمعيه أو أأجله عيشيان ممارستي للحباجات الشخيصيه مالهاش معني إلا جوه المشروع المنتظر اللي هو (هناك وبعد زمن ما). أما اللي (هنا والآن) فلازم يتأجل. لازم، أرفض الدخول في كل العلاقات اللي ضد المشروع ده، أو أدخلها وأنا واعى بإن تعيرها مسرهون بإنجاز المشروع ده، وبكده فيضلت أتاخر عن الحياه سنه ورا سنه، لحد مسالاقسيت نفسسي عسايش عبلي الحسد الأدني من الضروريات الحياتيه اللي بتخليني يا دوبك على قيد الحياه. عسشان اتفرغ للبحث عن عالم الإنسان الأجسمل، الأرقى، السبوب مان، الإله الأرضى، وبكده لقسيت نفسس بدال ما اتخلص من سطوة نص الميلاد. باعيد انتساجه وبنفس آلياته تقريباً، واكتشفت إنى بدال ما ادخل أنا وامى فى حكايه

تخصصنی، طردتنی أنا وامی بره، الحکایات والشعد، وحلت محلنا كائنات میتا فیزیقیه، كائنات لغویه، بدون ملامح، وبدون وجود متعین كائنات باختصار مالهاش تاریخ شخصی.

لكن وبرغم ده، مازلت باحس بالإيد دى ورا ضهرى بتنزقنى، عشسان اخرج، وسساعات باحس إنى باخسرج فعالاً من راسي، صدري، احشائي واتني اخرج اخرج وأنا حاسس ورايا بكف زي لبوح تلج بيبد فعني ف ضهري، فاجرى بسرعة على أبعد حته مازالت سنخنه، واتركنز فسيها، وفي طرف صباع رجلي الصغير، الرجل الشمال، باتكوم على نفسي واجمع سخونة ف جسمي واكبورها واسد بيها المنفذ اللي دخلت منه، وابدأ أراقب زحف الإيد دي يمتى وسيل التلج اللي عنمنال بيسبيل منها واللي بينحفسرف الحتت اللي سيبتها ومشيت. خريطه تتحول فيها أعضائي اللي الجسمدت فعلا لبيوت وشوارع وحواري واستواق وقتهاوي ومتخطات أتوبيس، واما يكتبمل

رسم الخريطه باشوف بانوراما كامله لحياتي اللي عشيتها لحد دلوقتي، بانوراما على هيئة متشاهد متداخله وملتبسه ببعضيها، وباحس من الصعب أنى ارجّع كل حاجة لمكانها اللي حصلت فيه، وأنى اركب الصوت على التصوره، فاستيب البانوراما تتمسشهد قدامي، واقعد اركيز جهدي وطياقتي ف الحفاظ على شوية السخونه اللي سادد بيهم المدخل، وفي جريب طرق جيديده لتحويل السخونه دى لمعادل هدم وكبوريكات لرفع أنقاض التلج اللي هيتدربك بعد ما هنتهد النضاريس وتبان الأعضاء وتختفى الخريطه تدريجيا، ساعتها باحس بجسمي ككيان مادى، خارج واحده، واحده، من أرض قديمه لأرض جديده، وباتابعه وهو بيتلمُس لنفسه مكان فيها. فيستحرك بوعى اللحظه اللي بتتكون فيها خبرات جذيده وتتحرر خبرات قديمه من النسيان.

مورد جثث

سواء كان اسمك سقر أو عزرائيل أو عبد الرحمن، وسواء كانت هيئتك اللي بتظهر فيها تعلب أو تمساح أو حمامه بيضا..

مش.. هنفرق.. طالما اتفقنا وتمُهنا الصفقه،

واديتك ابويا واديتنى عشرين سنه.

وآهم عُدو،

وقدرت ألمُّلُهُ ف نَصُ (عيل بيصطاد الحواديت) ومن يومـها بقى مـوجـود جوايا، بيحـضر وقت مـا احتاجه،

ندردش مع بعض،

واستمتع -ف كل مرَّه بنتحاور فيها- بوجهة نظر حد مختلف عنِّى ومش منضطر يتنازل عن وجهة

نظره. هل ده الإنه ماعد لوش مصالح خاصه عندى؟ يمكن!

المهم اننا على مدى عشرين سنه بنتحرر من بعض فيها، تتمدد ما بينا حياه مشتركه، وعشان كده الصفقه كانت مُرْبِحه بالنسبه لى، وأعتقد انها برضه مربحه ليك،

انتُ خدت اللي عايزه عنشان تستعمله ف بُنَا مدينتك،

زى ما نجحت أنا أخليه واحد من سكان مدينتى. انت محتاج عضمه وشعره ولحمه وشحمه وعروقه وعضالته، يوده وملحه وميته وبرازه ومخاطه ولعابه ودمه وبوله

ترصف بيهم شرارع أو تعمل رجلين ترابيزه أو قرعة بوظه أو حشو مخدة سرير أو.. أو..

وانا محتاج حاجه انتُ ما تفهمهاش، وخدتها، لإنها مالهاش عازه عندك، لكن من غيرها انا ما اقدرش اعيش ف مدينه خاليه من البشر اللي يخصوني واللى مش هاسمح لأى حد يدخلها إلا بإذنى ووفقاً لشروطي.

وجيتنى تانى مرَّة، وادِّيتك جدى وادِّيتنى عشر سنين ورغم إن المُعاد لسَّه فاضل عليه سنتين تقريباً، بححت إنى ألمُلهُ في نَصُ (غزلية الكنبه) واسكِّنه في مدينتي جنب ابويا، من غير ما آخد أي احتياط لمنع التصادم بينهم، اللي مش هيحصل أصالاً، لإنهم مش موجودين بالنسبه لبعضيهم،

كل واحد موجود بس بالنسبة لى، ومايعرفش حاجه عن وجود التانى،

إلا إذا انا احتجت افتح بينهم حوار احدُّد موضوعه واجهد نفسى ف التحكم فى مسارُه، وإلا هتْختلط الأصوات وتترجرج بعنف أركان المدينه ويمكن

تتهد على دماغى، وعشان كده ما بافتحش بينهم حوار إلا ف حالات نادره وبحذر شديد، وعشان كده العشر سنين انا مستقلُهم، وجاى انت كمان قبل مايخلصو تقعد جنبى ع الشط وانت واخد شكل

ويضحك بخبث دوناً عن ناس الشط

إيه اللي حصل؟

انتُ عجزت واتلخبطت معاك التواريخ؟!

المعاد ده أكيد بتاع حد تاني انتهت مُدّة عُقدُه؟!

لأ. أنا حاسبها كويس، وباحاول اجهز لك حد.

ماتســتعــجلش عليّ، وسيـبنى اسوّى لــك الموضوع على مهلى

طب اعمل لك إيه؟

تبقى إنت الغلطان وانا اللي ادفع التمن.

ماهوش مُمكن اسكُن حد مدينتي ولسه ملامحه مااخدًنش،

ولسم المكان اللي هيسكن فيه ناقص جهيز.

بعني انت تاخد كل اللي عاوزه، وانا اطلع من المولد بأشباح بشر ملامح مهزوزه، يتهدولي كل اللي بابنيه طول عمري

مین؟

أنا؟!

צ

ما تقدرش

أنا،

عايز تاخُدني، تتعاقد مع حُدُ غيري

أنا مورد جُثُثُ، وفاهم شغلتي كويس وحاببُها.

أيوه، فاكر نظرتك لي بعد ما دفنًا جدى.

كنت انت ساعتها لابس هيئة التُريي.

انا ماخَدَعْتكش.

وريتك جدى قبل ما نكتب العقد،

وقلت لك كل المعلومات اللى انت عاوز تعرفها، عن عمره، والأعمال اللي قام بيها، وآخر مرَّه نام فيها مع مَرَه، وآخر وجبه كلُهَا وآخر مرَّه مشى فيها لوحده من غير ماحد يستده،

وقليت لك ساعبتها انبه كان قبل كنده ولدة خمس سنين تقيريبا بيستعمل عكان بس بينزل م الدور

97/

الخامس وحده يجيب الفطار وحاجه تنفع أكل بقية اليوم

ويطلع،

صحيح كان ساعات بيريَّح حَبُه ف الدور التالت أو عند اختى ف الدور الرابع،

بس بيواصل طلوع السلم

ويقعد ياكل ويقيد البوتاجاز يعمل شاى، ويروح يقعد عالكنبه يرغى مع النسوان اللى اجُوازهُم راحوا الشغل،

ويتخانق مع عيالهم وبعدين تتهدل مالامحه وترتخى شفته التحتانيه ويغُمَّض عينيه وتتدلدل راسم على صدره ويروح ف النوم.

امَّال إيه بس اللي خالاًك تبص لي وانتَ خارج من القبر وتضحك وتشاور عليَّ؟

انا ماخدتش حاجه من الحاجات اللي متفق معاك انى أوردهالك، سلّمتك جُنه كامله وخدت اللى يخُصنى. أيوه.

جربت لما شاورت على إديت ضهرى لفتحة القبر وخدت ديلى فى سنانى وجربت لقيت سلم حجر طلعت عليه، وكنت كل ما اطلع درجه ألاقى سكان القبر يشيلوها

من هت رجلي ويناولوها لبعضيهم،

اطلع درجه، تختفي، اطلع، تختفي،

ولما لقيت السلم مش عايز يخلص.

والدرجات بتختفى

بصَّيت ورايا لقيت أقرب واحدم القبر بيناولك الحبر وواحد تانى بيناولك مُونَه من مُعُجَنَه ما اعرفش اتعملت إمتى؟

وانتَ عـمُّال تسـوى بالسطرين المونه وخط الحجـر فوق الحجر بعنايه ودقَّه،

ولما دقفت أكتر لقيت حَدُ بيكلبش ف الدرجه اللي لسَّه واقف عليها،

فَشَيبَت م الرعب

وخطفت تلات درجات في قفزه واحده،

وبكده بقى بينى وبينهم مسافه حافظت عليها وحسبت إيقاع طلوعى وإيقاع عملهم بحيث إنى ما اسمحلهمش يقصروا المسافه اللي كسيتها بقفنة الرعب اللي مازلت باختين النفرصة عبشان اقفز قفزه أكبر منها.

ومن يومها وانا شاكك إن فيه حد عمل معاك عقد كنت انا فيه موضوع الصفقه،

وعيشبان كيده شياورت لعيميالك الخيايبين على، يطاردوني،

لكنى فُلَيتُ منبهم، وآديني قساعسدع البشط في جيمصه باستمتع بالعرى البشري،

بالكسل والشمس والبحر وريحة اليود.

وباتأليم م الملح ف جيلدي ومستفز من وجودك جنبي

بص،

عشان أأكد لك إنّى مازالت مالامحى مهزوزه عند كل الناس اللي يعرفوني،

وعنشان كنده مناحدًش هينرضي يغنامر بإني أكنون منوضوع صفقه يعقدها معاك،

أنا هاعلن عن نفسى، ونشوف مين هيتقدَّم ويشيل. بس لو سمحت، وَدِّى وشك الناحيه التانيه أو بُص ف أى حتَّه غير عينَيَّا،

عشان ماتلخبطليش سيناريو الإعلان

أنا

١- قسطين لبن رضعتهم من امى مع تلات تشوله من الحنان واللهفه على أول ولد نجا من مذبحة الحصيم اللى حصيدت قبليه تمن ولاد وتلات بنات.

أ- حلم ابويا الباش شاويش على الجابرى انى اطلع ظابط شرطه، كل الناس ف الرايحـه وف الجايه تضرب له سلام. انا اللى كرهت الظباط من يوم ما شَبَطُت فيه وخَدنى معاه الشغل ولقيته بيضرب سلام لحتّه عَيِّل تافه بلبانه، بيرفض حتى يُرد له السلام ويبُص له من فوق بيرفض حتى يُرد له السلام ويبُص له من فوق لتحت ويقوله: "مين ده يا شويش يا رمَّه اللى لتحت ويقوله: "مين ده يا شويش يا رمَّه اللى معاك، ابنك؟ لَقَحُه جـوَّه واطلع مع الدَّوريَّه اللى برَّه".

ونظرة ابويا الحيرانه بينه وبينى واللى هُزَّت إيده وهو بيخسرب له سلام ويقوله تمام يا افندم والساعتين اللى قعدتهم جوه يشقطونى الظباط لبعض، ده يضربنى بالشَّلُوت، وده على قفايا، وده يهددنى إن ما بَطَّلتش عياط هيرمينى ف السجن. انا ابن على الجابرى اللى بيحل كل مشاكل عيلة الجابرى على حساب وقته وجهده وفلوسه،

أبويا اللى كان أحياناً بيتعشى زاتونه ويبوس إيده وش وضهر وينام والصبح يصلِّى الفجر ويدعى في صلاته انه يشوفني ظابط شرطه.

٣- عـشر تـالاف كوباية شـاى، وخـمـستـاشـر ألف سيـجاره ونص مـليون ورقـه وخُمسـميـة قلم ومليـون ونص سـُعر حـرارى، وعشـرين كـرتونة كـتب، شـعـر وقـصـه وروايه وتـاريخ وأديان وفولكلور. إلخ.

٤- خمسه وعشرين ألف متر تمرد ع الاحبال اللى بتربطنى بحاجات وناس وأماكن ماليش دَخُل ف وجودها، ولا حدِّش خد رأيى فى حاجه ساعة ما قطعو خلاصى من سُرة أمى وربطوا مكانه ف سُرتى حبالهم واللى مازالت باشد فيها عشان تتقطع ومازال اللى عمَّال يتمط ويطُول أكتر م اللى غمَّال يتمط ويطُول أكتر م اللى غمَّال كتير باحاول

امتدها من سُرتى للعسالم. وعند أول شُكدة ويند أول المنسدة

1- دوده أخلاقيه عندها قدره عاليه على إفراز الأفكار بشكل طبيعى مع العرق والبول والدموع، وعندها استعداد تقدمها للى يحتاجها بدون مقابل وبتقعد طول اليوم تاكل افرازاتها اللى مانفعتش حد، وجموز غددها لإفرازات جديده.

إيه رأيك؟

يعنى ما فيش زباين!!

باین ماحدش متحمس!!

عشان كده ماقدامكش مُفَـرُ غير الاعتذار والرحيل

طُظُ..

أعلى ما ف خيلك ارْكُبُه.

برضه مش هاتنازل عن حقى.

المحتويات

الهــدومدوم
فيلم في السابقة الرسمية اا
هادوس على زرار التشغيل
الواحدنــــــــــــــــــــــــــــــــ
بيهيأ نفسه لقيادة الأوركسترا 23
ابتدا يغير إيقاعه
وفضلت متعلق معاه 31
لا شفتها ع التروللا شفتها ع الترول
اللي لحقته من جسمي 39
فرح اخويا
كهنوت
في قبضة إيدى كره حقيقي
غزلية الكنبه
شتوية
هيبص ع الجزمة ويتأكد
نص اليلاد
مورد جثث

للشاعب

١- أغسطس - شعر - طبعةخاصة

ا- بالظبط وكإنه حصل - شعر - طبعة خاصة ١٩٩٤.

٣- عبل بيصطاد الحواديت - شعر - الهيئة العامة القصور الثقافة ١٩٩٥.

رقم الإيداع: ٢٩٦٧/٩٩

شرتة الأمل للطباعة والنشر ت: ٢٩٠٤٠٩



طبيعي

إنك تقول لصاحبك ع القهوه:

الحياه مش بروفه.

وطبيعي

إن ابوك يخاف عليك وعلى اخواتك

مالوت

ليشوش مخزونه الهايل من المشاهد اللي

كان نفسه يكون فيها.

ولمّا تخش عليه

وما يحسس بيك

وتتأكد انه ف آخر مرحله من مراحل المونتاج

فاتسحب بشويش.

واخرج..



